



史記會注考證

[漢] 司馬遷◎著 [日] 泷川資言◎會注考證

【叁】

| 高清影印本 |



新世界出版社
NEW WORLD PRESS



史記會注考證

THE HISTORY OF CHINA WITH EXPLANATIONS AND CRITICISMS

[卷十]

（商鞅傳）

商務印書館

史记会注考证

司马迁◎著 [日] 泷川资言◎会注考证

【叁】

卷十二 孝武本纪第十二 ~ 卷十五 六国年表第三



新世界出版社
NEW WORLD PRESS

史記會注考證卷十二

漢 太 史 令 司 馬 遷 撰

宋 中 郎 外 兵 曹 參 軍 裴 駟 集 解

唐 國 子 博 士 弘 文 館 學 士 司 馬 貞 索 隱

唐 諸 王 侍 讀 率 府 長 史 張 守 節 正 義

日 本 出 雲 瀧 川 資 言 考 證

孝武本紀第十二

史記十二

集解 太史公自序曰、作今上本紀、又其述事皆云今上、今天子、或有言孝武帝者、悉後人所定也、張晏曰、武紀褚先生補作也、褚先生名少孫、漢博士也、**索隱** 按褚先生

補史記、合集武帝事以編年、今止取封禪書補之、信其才之薄也、又張晏云、褚先生、潁川人、仕元成閒、韋稜云、褚顓家傳、褚少孫、梁相褚大弟之孫、宣帝代爲博士、寓居于沛、事大儒王式、號爲先生、續太史公書、阮孝緒亦以爲然也、**考證**史公自序云、漢興五世、隆在建元、外攘夷狄、內修法度、封禪、改正朔、易服色、作今上本紀第十二、錢大昕曰、張晏云、此紀褚先生補作、予謂少孫補史、皆取史公所缺、意雖淺近、詞無雷同、未有移甲以當乙者也、或晉以後少孫補篇亦亡、鄉里妄人、取此以足其數、爾洪亮吉曰、褚少孫爲博士、不得在宣帝時、張晏云、仕于元成閒、說近之、

孝武皇帝者、

集解漢書音義曰、諱徹、**索隱**裴駭云、太史公自序云、作今上本紀、又其序事皆云、今上、今天子、今、或言孝武皇帝者、悉後人所定也、

正義諡法云、克定禍亂曰武、孝景中子也。

索隱按景十三王傳、廣川王已上、皆是武帝兄、自河閒王德以至廣川、凡有八人、則武帝第九也、

母曰王太后。孝景四年、以皇子爲膠東王。孝景七年、栗太子廢爲臨江王。以膠東王爲太子。孝景十六年崩。太子即位爲

孝武皇帝。

集解張晏曰、武帝以景帝元年生、七歲爲太子、爲太子十歲、而景帝崩、時年十六矣、**考證**梁玉繩曰、史公今上本紀全缺首六十字、後人

妄加、此下取封禪書補之、而又臆爲增改、如李少君是深澤侯舍人、而爲深澤侯、亳人譔忌亦稱薄忌、而以爲亳人、薄誘忌、神君之最貴者太一、而以爲大夫、樂大四印、合五利爲

四、而并天道玉印爲四金印、祭恒山、徧岳瀨、均天漢後事、而謬割郊祀志以竄入之、殊覺乖亂。孝武皇帝初即位、尤敬鬼神

之祀。元年、漢興已六十餘歲矣。

集解 徐廣曰、六十七年、歲在辛丑、**考證** 凌本移置此卷、集解索隱正義

於封禪書、云、此以下全錄封禪書文、注釋並入原書、此不載、蓋以意改易、今悉仍其舊。

天下父安、薦紳之屬、皆望天

子封禪改正度也。

索隱 薦紳、上音捐、捐、挺也、言挺笏於紳帶之間、事出禮內、則今作薦者、古字假借耳、漢書作綰紳、臣瓚云、綰、赤白色、非

也。**正義** 父、音魚廢反、

而上鄉儒術、招賢良。趙綰、王臧等、以文學爲公卿。

欲議古立明堂城南、以朝諸侯。卓巡狩封禪改歷服色事。未

就。

索隱 城南、長安城南門外案關中記云、明堂在長安城南門外杜門之西、**正義** 括地志云、漢明堂在雍州長安縣西北七里、長安故城南門外也、關中記云、明堂在長

安城南門外杜門之西、**考證** 中井積德曰、是時欲立明堂、未就而廢、註何討處所、楓、三本、草下有創字、

會竇太后治黃老言、不

好儒術。使人微得趙綰等姦利事、

集解 徐廣曰、纖微伺察之、**考證** 楓、三本、館本、微下有伺字、與封禪書

合、當依補、召案綰、臧、綰、臧自殺。

正義 漢書孝武帝二年、御史大夫趙綰、坐請無奏事、太皇太后及郎中令王臧、皆下獄自殺、應劭

云王臧儒者欲立明堂辟雍太后素好黃老術諸所興爲者皆廢後六年竇非薄五經因故絕奏事太后太后怒故令殺

太后崩其明年上徵文學之士公孫弘等考證元明年上初

至雍郊見五時正義時音止括地志云漢五帝時在岐州雍縣南孟康云時者神靈上帝也

案五時者鄭時密時吳陽時北時先是秦文公作邠時祭白帝秦宣公作密時祭青帝秦靈公作吳陽上時下時祭赤帝黃帝漢高祖作北時祭黑帝是五時也後常

三歲一郊是時上求神君正義漢武帝故事云起柏梁臺以處神君長陵女子也先是嫁爲人妻生一男數歲死女子

悼痛之歲中亦死而靈宛若祠之遂聞言宛若爲生民人多往請福說家人小事有驗平原君亦事之至後子孫尊貴及上卽位太后延於宮中祭之聞其言不見其人至是神君

求出局管柏梁臺舍之初霍去病徵時自禱神君及見其形自脩飾欲與去病交接去病不肯謂神君曰吾以神君精絜故齋戒祈福今欲姪此非也自絕不復往神君慙之乃去

也舍之上林中蹠氏觀集解徐廣曰蹠音蹄索隱徐廣音蹄都誕音斯又音蹄觀名也考證楓三本無之字封禪書有漢

志觀作館神君者長陵女子以子死悲哀故見神於先後宛若

集解孟康曰產乳而死兄弟妻相謂先後宛若字索隱先後都誕音二字竝去聲卽今妯娌也孟康以兄弟妻相謂也韋昭云先謂姪後謂娣也宛音冤考證中井積德曰

漢志子死作乳死故孟說云云此本蓋謬愚按子當作字字亦乳也

宛若祠之其室民多往祠平原君往

祠其後子孫以尊顯

集解徐廣曰武帝外祖母也案蔡邕曰異姓婦人以恩澤封者曰君儀比長公主**索隱**案徐云武帝外

祖母則是

及武帝即位則厚禮置祠之內中聞其言不見其人

云

考證中井積德曰置者宛若也祠者神君也愚按內中蹏氏觀內中也

是時而李少君亦以祠竈穀道

卻老方見上上尊之

集解李奇曰穀道食穀道引或曰辟穀不食之道**索隱**如淳云祠竈可以致福案禮竈者老婦之祭盛

於盆尊於瓶說文周禮以竈祠祝融淮南子炎帝作火官死爲竈神司馬彪注莊子云鬻竈神也如美女衣赤李弘範音詰也**正義**周禮注曰顓頊氏有子曰黎爲祝融以爲竈神**考證**而字中統游柯凌本作有封禪書郊祀志無少君者故深澤侯入以主方**集解**徐廣曰深澤侯姓趙景

帝時絕封又曰入以主方進納於天子脩景帝七年有罪絕至中九年頭子夷胡復封至藥者也**正義**功臣表曰深澤侯頭子脩景帝七年有罪絕至中九年頭子夷胡復封至

元朔五年國除**考證**封禪書入以作舍人漢書郊祀志入作人無以字岡白駒曰入當作人人家人也如淳注侯家人主方藥者以字當刪匿其年及所

生

考證顏師古曰生長謂其郡縣所屬及居止處

常自謂七十能使物卻老

集解如淳曰物鬼

物也。瓚曰：物、藥物也。考證物，如說是，下文云：祠竈則致物，亦謂致鬼物，非藥物。

其游以方徧諸侯。無妻子。人聞

其能使物及不死，更饋遺之。常餘金錢帛衣食。人皆以爲不

治產業而饒給。又不知其何所人。愈信爭事之。少君資好方，

善爲巧發奇中。

集解如淳曰：時時發言有所中也。考證周壽昌曰：資，藉也。好方，好爲方也。

嘗從武安侯

飲。

索隱服虔云：田蚡也。韋昭云：武安，屬魏郡也。

坐中有年九十餘老人。少君乃言與其

大父游射處。老人爲兒時，從其大父行，識其處。一坐盡驚。少

君見上，上有故銅器。問少君。少君曰：此器，齊桓公十年陳於

柏寢。

集解服虔曰：地名，有臺也。瓚曰：晏子書：柏寢，臺名也。正義括地志云：柏寢臺，在青州千乘縣東北二十一里。韓子云：景公與晏子遊於少海，登柏寢之臺。

而望其國。公曰：美哉堂乎！後代孰將有此？晏子云：其田氏乎？公曰：寡人有國，而田氏家柰何？對曰：奪之，則近賢遠不肖，治其煩亂，輕其刑罰，振窮乏，恤孤寡，行恩惠，崇節儉，雖十田氏，其如何？堂，卽此也。考證沈欽韓曰：晏子雜篇，景侯新成柏寢之臺，使師開鼓琴，齊桓公時無柏寢。

已而案其刻，果齊桓公

器。一宮盡駭、以少君爲神、數百歲人也。少君言於上曰。祠竈則致物。致物而丹沙可化爲黃金。黃金成、以爲飲食器、則益壽。益壽、而海中蓬萊僊者可見。見之以封禪、則不死。黃帝是也。臣嘗游海上、見安期生。食臣棗大如瓜。

案列仙傳云、安期生、琅邪人、

人、賣藥東海邊、時人皆言千歲也。正義列仙傳云、安期生、琅邪阜鄉亭人也、賣藥海邊、秦始皇請語三夜、賜金數千萬、出於阜鄉亭、皆置去、留書以赤玉舄一重爲報、曰後千歲求我於蓬萊山下。考證楓、三本、食上有安期生三字、張文虎曰、臣棗之臣、舊刻毛本、竝作臣、是也、他本作巨、誤、愚按、楓三、南本、亦作臣。安期生僊者、

通蓬萊中、合則見人、不合則隱。於是天子始親祠竈、而遣方士入海、求蓬萊安期生之屬、而事化丹沙諸藥、齊爲黃金矣。

索隱齊、音劑、正義劑、在西切、劑、皆也、言同諸藥化丹沙皆爲黃金、考證索隱是、顏師古亦云、齊、藥之分齊也。居久之、李少君病死。

天子以爲化去不死也。

正義漢書起居云、李少君將去、武帝夢與共登嵩高山、半道有使乘龍、時從雲中云、太一請少君、帝謂

左右將舍我去矣數月而少君病死又發棺看唯衣冠在也

而使黃鍾史寬舒受其方求蓬萊安期

生莫能得

集解

韋昭曰黃鍾人姓名願案漢書音義曰二人皆方士姓名鍾音直僞反姓名寬舒

考證

封禪書集解云徐廣曰鍾縣

黃縣皆在東萊王鳴盛曰徐說得之黃鍾之史其名寬舒觀下文寬舒凡五見而不見爲黃鍾者音義以爲二人名謬其齊召南曰始皇紀云過黃腫注云東萊有黃縣腫縣恐史

寬舒蓋黃腫間人鍾與腫字體少異或傳寫各別

而海上燕齊怪迂之方士多相效更言神

事矣

正義

迂猶遠也言怪異遠處燕齊之方士多於相效更言神事謂謬忌少翁樂大之屬

考證

迂讀爲訐譏詭也迂怪就方而言

毫人薄

誘忌奏祠泰一方

集解

徐廣曰一云毫人謬忌也索隱毫山陽縣名姓謬名忌居毫故下稱薄忌此文則作薄字而謬又誤作誘矣

考證

書志竝作毫人謬忌此衍薄字胡三省曰謬姓也音靡幼翻與繆同

曰天神貴者泰一

索隱

天神貴者大

微宮北極天一太一宋均以爲天一太一北極之別名春秋緯紫宮天皇曜魄寶之所理也

泰一佐曰五帝

索隱

其佐曰

帝神名靈威仰之屬也

正義

五帝五天帝也國語云蒼帝靈威仰赤帝赤熛怒白帝白招矩黑帝叶光紀黃帝含樞紐尙書帝命驗云蒼帝名靈威仰赤帝名文祖黃帝名神斗

白帝名顯紀黑帝名玄矩佐者謂配祭也

考證

館本考證云索隱所引國語此春秋文耀光文見周禮春官疏國語無

古者天子以春秋

祭泰一東南郊。用太牢具七日。

集解 徐廣曰：一云：日一太牢具十日。
考證 郊祀志：具作一日，封禪書無具。

字、爲壇，開八通之鬼道。於是天子令太祝立其祠長安東南

郊。常奉祠如忌方。其後人有上書言：古者天子三年一用太

牢具，祠神三一天一、地一、泰一。

考證 郊祀志：無神字。

天子許之，令大祝

領祠之忌泰一壇上，如其方。後人復有上書言：古者天子常

以春秋解祠。

正義 解：紀賈反。又紀賣反。祭神曰解。言黃帝欲絕其類，梟破鏡，故使祭百物之祠。後世每春秋祠黃帝，用一梟及一破鏡，以解黃帝絕

惡之類，故言解祠黃帝。
考證 封禪書：郊祀志無秋字。

祠黃帝用一梟破鏡。

集解 孟康曰：梟，鳥名，食母破鏡，獸名，食父黃

帝欲絕其類，使百物祠皆用之。破鏡，如獬而虎眼，或云：直用破鏡，如淳曰：漢使東郡送梟，五月五日爲梟羹，以賜百官，以惡鳥故食之。

冥羊用羊。

集解 服虔曰：冥羊，神名也。

祠馬行用一青牡馬。

正義 馬行神名也。

泰一皋山山君地

長用牛。

正義 長，丁丈反，三竝神名。
考證 封禪書不重山字。

武夷君用乾魚。

正義 神名。

陰陽使

者以一牛。

集解 漢書音義曰：陰陽之神也。

令祠官領之，如其方。而祠於忌泰

一壇旁。其後天子苑有白鹿。以其皮爲幣。

索隱 案食貨志：皮幣以白鹿皮方尺緣以績。

以薦璧，得以黃金一斤代之。又漢律：皮幣率鹿皮方尺直黃金一斤。

以發瑞應，造白金焉。

索隱 案食貨志：白金三品，各有差也。

正義

白金三品，武帝所鑄也。如淳曰：雜鑄銀鉤馬白金也。平準書云：造銀錫爲白金，以爲天用，莫如龍。地用莫如馬。人用莫如龜。故曰：白金三品，其一曰重八兩圓之，其文龍，名

曰白選，直三千，二曰重差小，方之，其文馬，直五百，三曰復小，隋之，其文龜，直三百。錢譜云：白金第一，其形圓如錢，肉好圓，文爲一龍，白銀第二，其形方小，長肉好亦小，長好，上下文

爲二馬，白銀第三，其形似龜，肉好小，是文爲龜甲也。其明年，郊雍，獲一角獸，若麀然。

集解 韋昭曰：楚人謂麀爲

爲麀。**索隱** 麀，音步交反。韋昭曰：體若麀而一角，春秋所謂有麀而角是也。楚人謂麀爲麀，又周書王會云：麀者若鹿，爾雅云：麀，大鹿也。牛尾一角，郭璞云：漢武獲一角獸，若麀，謂

之麟是也。**考證** 封禪書同。郊祀志：作後二年，卽元狩元年也。有司曰：陛下肅祗郊祀，上帝報享，錫一

角獸。蓋麟云。

正義 漢書終軍傳云：從上雍，獲白麟，一角戴肉，設武備而不爲害，所以爲仁。於是，以薦五時。時加

一牛以燎。

正義 力召反，焚也。

賜諸侯白金，以風符應合于天地。

集解 曾灼曰：

符瑞也。瓚曰：風示諸侯，以此符瑞之應。於是濟北王以爲天子且封禪，乃

考證

封禪書郊祀志：地作也，此疑誤。

上書獻泰山及其旁邑。天子受之，更以他縣償之。

考證書志：無受之，更三

字。

常山王有皐。遷。天子封其弟於真定，以續先王祀，而以常

山爲郡。然後五嶽皆在天子之郡。其明年，齊人少翁以鬼神

方見上。

正義

漢武故事云：少翁年二百歲，色如童子。

上有所幸王夫人。

集解

徐廣曰：齊懷王閼之母也。顧案桓譚新

論云：武帝有所愛幸姬王夫人，窈窕好容，質性嫺佞。

正義

漢書作李夫人。

夫人卒。少翁以方術蓋夜致王夫

人及竈鬼之貌云。天子自帷中望見焉。於是乃拜少翁爲文

成將軍，賞賜甚多，以客禮禮之。文成言曰：上即欲與神通，宮

室被服不象神，神物不至。乃作畫雲氣車，及各以勝日駕車，

辟惡鬼。

集解

漢書音義曰：如火勝金，用丙與丁日，不用庚辛。**考證**服虔曰：甲乙五行相克之日也。中井積德曰：例如庚辛日駕赤車，丙丁日駕黑車也。

又作甘泉宮。中爲臺室，畫天地泰一諸神。而置祭具，以致天神。居歲餘，其方益衰，神不至。乃爲帛書以飯牛，詳弗知也。言此牛腹中有奇。

正義：飯，房晚反。書，絹帛上。爲，怪言語。以，飼牛。考證：詳楓，三本作伴，郊祀志作陽。

殺而視之，得

書。書言甚怪。天子疑之，有識其手書，問之人果爲書。

考證：楓，三本。

無有字。李筌曰：有讀爲又。封禪書作天子識其手書。問其人果是僞書爲卽僞字。手書，手迹。言人之所書也。

於是誅文成將軍，而隱

之。

正義：漢武故事云：文成誅月餘，有使者藉貨關東還，逢之於漕亭。還見言之，上乃疑發其棺，無所見，唯有竹筒一枚，捕驗，問無蹤跡也。

其後，則又

作栢梁銅柱，承露僊人掌之屬矣。

集解：蘇林曰：仙人以手掌擎盤承甘露也。索隱：服虔云：栢梁，用梁百

頭。按今字皆作栢。三輔故事云：臺高二十丈，用香栢爲殿，香聞十里。又曰：建章宮承露盤，高三十丈，大七圍，以銅爲之，上有仙人掌承露，和玉屑飲之。故張衡賦曰：立脩莖之仙掌，承雲表之清露是也。文成死明年，天子病鼎湖甚，巫醫無所不致，至，不愈。

集解：晉灼曰：在湖縣。韋昭曰：地名，近宜春。索隱：案鼎湖，縣名，屬京兆，後屬弘農，昔黃帝採首陽山銅鑄鼎於湖，曰鼎湖，卽今之湖城縣也。韋昭云：以爲近宜春亦甚疏也。

考證顧炎武曰湖當作胡鼎胡宮名漢書楊雄傳南至宜春鼎胡御宿昆吾是也故卒起幸甘泉而行右內史界索隱以爲湖縣在今之閬鄉絕遠且無行宮書志無至字此疑衍

游水發根乃言曰上郡有巫病而鬼下之上召置祠之甘泉

集解服虔曰游水縣名發根人名姓晉灼曰地理志游水水名在臨淮淮浦也索隱顏師古以游水姓發根名蓋或因水爲姓服虔亦曰發根人姓字或曰發樹根者也

及病使人問神君

集解韋昭曰即病巫之神

神君言曰天子毋憂病病少

愈強與我會甘泉於是病愈遂幸甘泉病良已

集解孟康曰良已善已謂愈

也**考證**李筌曰書志遂下竝有起字觀上云病少愈強與我會甘泉此病愈病少愈也有起字者方與強字語氣合

大赦天下置壽宮

神君

集解服虔曰立此便宮也瓚曰宮奉神之宮也楚辭曰蹇將澹兮壽宮**考證**張文虎曰疑當作置神君壽宮

神君最貴者

大夫其佐曰大禁司命之屬皆從之非可得見聞其音與人

言等

考證楓三本者下有曰字大夫作太一書志亦作太一李筌曰書志作言與人音等此音言二字妄易時去時來來則風

肅然也

考證楓三本無去字

居室帷中時晝言然常以夜天子祓然

入。

集解 漢書音義曰：崇絜自祓除，然後入。

因巫爲主人，關飲食所欲者，言行下。

集解 李奇曰：

神所欲，言上輒爲下之。

又置壽宮北宮。

正義

括地志云：壽宮北宮，皆在雍州長安縣西北三十里長安故城中。漢書云：武帝壽宮以處神

君。張羽旗，設供具，以禮神君。神君所言，上使人受書其言。命

之曰畫法。

集解 漢書音義曰：或云策畫之法也。**正義** 畫音獲，案畫一之法。

其所語，世俗之所知也。

毋絕殊者，而天子獨喜。其事祕，世莫知也。其後三年，有司言

元宜以天瑞命，不宜以一二數。

集解 蘇林曰：得黃龍鳳皇諸瑞以名

年。**正義** 孝景以前，卽位以一二數年，

至其終，武帝卽位，初有年號，改元以建元爲始。

一元曰建元。二元以長星曰元光。三元以郊

得一角獸曰元狩云。

集解

徐廣曰：案諸紀，元光後有元朔。元朔後得元狩，**考證** 顧炎武曰：是建元元光之號，皆自後追爲之，而

武帝卽位之初，亦但如文景之元，尙未有年號也。

其明年冬，天子郊雍。議曰：今上帝朕親郊，

而后土毋祀，則禮不荅也。有司與太史公祠官寬舒等議。